

山右石刻叢編

至元五年己卯春

詔起汾西傅公于家復入中書叅

大政辭不獲勉就位六年庚辰春進拜中書左丞尋

勅翰林侍

講學士臣

⑤製其先考河東公神道之碑以賜

⑥拜手稽首言曰人生於三君尊父親服勞幹盛望之終身
者父也君有天下子億兆取其賢者能者而臣之奪彼與此
勢所必然於是育報施之道焉厚其奉親之祿盛其榮親之
名豈獨以示獎掖於其子實以償顧復於其親及其歿也恆
終厚往其事皆屬之有司君臣之義至矣⑦脩列詞臣職當
誄述敬共

君命以貺傅氏所不敢辭序曰河東公諱傑字雲卿世家晉
⑧之汾西曾祖恩祖⑨父晉代有隱德父以左丞貴初贈大
中大夫懷慶路總管輕車都尉追封河東郡侯再贈嘉議大

夫禮部尚書勲加上爵如初妣延氏王氏並追封河東郡夫人五子河東公及弟溫延氏讓仲素恭王氏出素寄跡老氏學公幼嗜讀書曉暢大義稍長應門不得卒業更習章程以應時用久之郡邑咸稱其有聽斷之才因推擇治刑名持法蕙平蒞事敏恪積年勞除河中府絳州兩提控案牘郡中政平訟理其民至今以贊畫之功歸之部使者薦書旁午公力辭辟舉肥遯田里恬無外求疎財敦義為人振乏釋糾事已終無德色平居陳述道義勗其子學暮年子仕浸顯祿養日豐拜爵奉議大夫絳州知州驍騎尉封汾西縣子加中順大夫禮部侍郎騎都尉封清河郡伯進嘉議大夫禮部尚書上輕車都尉封河東郡侯能遠避形勢交里閑不踰故常偉然德人君子之量天曆元年八月六日以疾卒壽七十二是年

十月十有五日葬縣西一里平原岡距露澤原故阡五里葬之十年贈中奉大夫河南江北等處行中書省叅知政事護軍追封河東郡公公四娶初娶郭氏卒追封汾西縣君加清河郡君進河東郡夫人次任氏喬氏並封恭人末曹氏封河東郡夫人子男四長巖起是為左丞郭氏子娶郭封河東郡夫人次汝梅任氏子承直郎東昌路推官娶郭繼周並封恭人次汝霖洪洞縣尉娶喬繼李次汝楫奉訓大夫澤州知州娶王封恭人皆喬氏子孫男十二人長曰信早天次曰敏侍儀舍人次曰愚河南行省宣使餘皆幼孫女二並適名族嗚呼士一命已上存心澤物必有所濟河東公身衆郡寄不愧庶官惠流於民克享其報方寸所克教誨式穀致位宰輔蔚為名臣國有裨益家有光榮豈偶然哉^⑤嘗以謂父能教其

子賢而不能使之必貴惟□□於積善之地君能制其臣貴而不能使之皆賢惟用力於勸善之方父成子之賢以事君斯積善之明效君推子之貴以及父斯勸善之□端今河東之貴以子左丞之賢由父昌黎韓愈碑烏氏先廟載□□功甚詳□為生者佞哉□□之所有作也

左丞由丞相掾歷陝

□都事吏戶刑主事監察御史中書左司都事太子家丞

左司員外郎御史臺都事左司郎中參議中書省事吏部尚

書同知太禧宗院事同僉樞密院事兩淮都轉運鹽使湖

北燕南山東三道廉訪使西臺中臺治□侍御史拜中臺侍

御史拜□□□拜左丞知經筵事凡二十三遷階資政

大夫雅德闊器好學不匱才堪大任為吏部主事時權臣為

太子太師引用官僚非人嘗繼取之深以為□

仁皇廣天

英宗在翼室攝臣復相假上命行事召左丞將坐沮格道遇
同時尚書尚書先知其故因告之曰君以微官口重臣口勢
若拉朽脫問前事當口我我分君罪則君口口不然口測對
日事自某何敢嫁既上官至果追詰悉口身任其咎遂被譴
廢為民即日歸養二親東平忠獻王獻王拜住入相乃復錄用為
僉樞時藩鎮囊加台阻兵四川勢甚張

文宗起公墨經同知樞密院事王某當出董師以母老辭乃
請代其行義而壯之佩以金虎符比至襄加台降遂解嚴
便道歸終制前一事似高允後一事似狄仁傑生平事業可
述者多縉紳論其卓行每以是為稱首其居天官銓選清允
其居風紀所至敬賢禮士獎廉糾貪興化崇學洞識大口出

秉饒節賦不屬民歲額自口入厯臺閭口口侃侃事多匡直
泰定中左丞相西域人黨賈胡售奇寶求增直國帑將耗毅
然廷爭已之相雖色愠內服其公上嘗以淮漕稱織錫

上尊金幣進列臺端賜中統楮幣萬緡以給母養丁酉夫人
親又遣使如前幣以二萬五千緡充賻辭口之際一口口口
上以是益知其有守云銘曰

奕奕傅氏起由汾晉維河東公恢有餘刃位不滿德其進何
口居官恂恂用法斤斤于蒲于口一再佐君口行職脩口口
口口壯口口辟住年壽較舊善稿慶日益充初降師左塾載
篤子訓有家浚明有子忠盡口英政口肆暢口問始終口口
口口口口口在庭奸口口口口危蹈難直節是殉入綜天
綽實陪熙運有鑑其聲口引維口

帝厚臣鄰流澍幽潤悼史勒詩追□虞殞資忠以孝永□來

○

至正二年歲次壬午八月□日資政大夫中□□丞孝子
□□□等立石

□□匠□□□□□刊

核碑題翰林侍講學士通奉大夫知制誥同修國史臣歐
陽元奉勅撰文正奉大夫侍御史臣鄭立奉勅書丹奎章
閣學士院承制學士奉直大夫兼經筵官臣靳榮奉敕篆
額元史歐陽元傳爲藝文少監升大監元統元年改僉太
常禮儀院事拜翰林直學士俄兼國子祭酒升侍講學士
復兼國子祭酒至元五年乞南歸不允拜翰林學士以碑
文撰至元六年考之元由侍講學轉翰學當在撰此碑以

後六年非五年或史誤續通鑑泰定元年十一月癸巳遣

兵部員外郎宋本吏部員外郎鄭立分調閩海兩廣雲南

四川選當卽此鄭立新昺傳絳州曲沃人兄榮爲奎章閣

承制學士續通鑑至元三年十一月有奎章閣承制學士

靳榮與碑官合

曲沃縣志靳榮字時昌用孫德淵子博學能文出進士官監察御史骨鯁敢言有古

諍臣風後轉奎章閣承制學士沃碑銘多出其手按榮元絳陽節度使和曾孫也碑言至元五年

己卯春詔起汾西傅公於家參大政按元史宰輔表至元

四年有參知政事傅巖起與碑至元五年參政不合又表

至元六年二月巖起升左丞與碑六年庚辰春進拜中書

左丞相

汾西縣志元傳巖起禮義坊人歷陝省都事戶刑二部主事凡二十三遷進資政大夫多著勳績上

書忤旨回籍屢徵不起初封汾西縣子進封清碑云尋敕

河郡伯後進河東郡公卒諡正獻子敏襲伯爵翰林侍講學士臣元製其先考河東公神道之碑此元撰

碑時爲翰林講學之證碑言公諱傑字虞卿世家晉甯之汾西又云因推擇治刑名積年勞除河中府絳州兩提控案牘傑始終任吏職也碑云暮年子仕祿養日豐拜爵奉議大夫絳州知州驍騎尉汾西縣子云云此皆嚴起貴後加官之證今止加官封而已元則并進職絳州知州禮部侍郎尚書階奉議中順騎尉嘉議大夫勳都尉爵汾西縣子清河郡公亦視唐以前爲厚其云絳州知州者與李孟牛氏墓碑云推恩例賜滋霍州知州同不實泄職也碑云子男四長嚴起左丞次汝梅東昌路推官次汝霖洪洞縣尉次汝楫澤州知州碑言左丞由丞相掾歷陝省都事吏戶刑三部主事監察御史中書左司都事太子家丞左司員外郎御史臺都事左司郎中參議中書省事吏部尚書同知大禧宗禋院事同僉樞密

院事兩淮都轉運鹽使湖北燕南山東三道廉訪使西臺

中臺治書侍御史參知政事左丞知經筵事凡二十三遷

授資政大夫杖巖起爲監察御史見元史續通鑑泰定元

年二月庚申三月庚戌

二月庚申請廢遼王托克托三月庚申言太尉司徒司空之職蓋假

僧由中書參議爲吏部尙書見元史續通鑑泰定四年十

月丁巳續通鑑中書參議傅巖起爲吏部尙書御史韓鏞

言吏部掌天下銓衡巖起從吏入官烏知天下賢才尙書

三品秩巖起累官四品於法亦不得升制可爲參知政事

左丞見元史表而劾遼王論僧官事碑皆略而不書碑又

云爲吏部主事時權臣爲太子太師引用宮僚非人嘗繳

駁之元史本紀延祐六年四月庚子前中書右丞相特們

德爾

舊作鐵木迭兒

爲太子太師此巖起是年爲吏部主事之證

碑又云仁皇賓天英宗在翼室權臣復相元史本紀延祐七年正月辛丑帝崩甲辰太子太師特們德爾以皇太后命復入中書爲右丞相碑謂左丞廢爲民者卽在此時碑云東平忠獻王拜住入相乃復錄用按元史本紀泰定元年五月己丑平章政事拜住爲左丞相至治二年八月庚寅右丞相特們德爾卒十月己丑左丞相拜住爲右丞相巖起復用當在拜住爲左相後碑云爲僉樞時藩鎮囊加台阻兵四川勢甚張文宗起公墨經同知樞密院事王某當出董師以母老辭乃請代其行上義而壯之佩以金虎符比至囊加台降遂解嚴便道歸終制元史本紀天厯元年十一月丙戌四川行省平章囊嘉特碑作加台自稱鎮西王稱兵燒絕棧道二年二月大都樞密院言囊嘉特阻兵四

川其亂未已請命鎮西武靖王綽斯班等皆調軍以湖廣
行省官托歡集賽博囉及鄭昂霄總其兵進討巖起以僉
樞董師當在此時傅傑以天歷元年八月六日卒故碑云
墨經又元史天歷二年四月己亥湖廣行省參政博囉奉
詔至四川赦囊嘉特罪囊嘉特聽詔蜀地悉定諸省兵皆
罷巖起便道歸終制當在是時碑言泰定中左丞相西域
人卽都爾蘇元史表泰定元年二月爲左丞相又都爾蘇
回回人見元史碑云今上以淮漕稱職錫上尊金幣進列
臺端賜中統楮幣此巖起爲兩淮鹽運使中臺侍御史中
丞在順帝卽位後之證按碑云賜中統楮幣萬緡以給母
養丁曹太夫人艱又以二萬五千緡充賻元錫資之厚如
此視明以來縣絕矣碑立至正二年八月汾西縣志有傳

傑墓今拓本多漫漶据縣志文補歐陽圭齋集無此文

法隆院佛殿記

碑高二尺九寸五分廣一尺七寸六分
十九行行四十字正書今在沁水縣

沁水縣法隆院重建佛殿記

本縣儒學教諭呂本撰

法輪習法沙門碧巖行願書并篆

佛之為聖聖之蔑以加也巍巍然崇不可企茫茫然深不可測□□一氣常樂我淨佛之德也智慧悲慈破暗救苦□佛之功也其本西方聖人生於王宮而垂教後世者也至後漢明帝夜夢金神兆應迺迎佛於天竺以白馬馱經像屆洛陽敕於鴻臚寺安置厥後始有 佛寺之名也 佛法既興於東土然而京都郡邑名山勝境莫不建寺焉自是構殿日隆

遺像日著□碧光燿張顯其聖跡矣沁之縣東有寺名曰法
隆院去縣百餘舉武依山面水誠佛境之為最也□□普通
院經兵火之餘 佛殿舍厨俱各焚毀□有住持朦朧交代
前後接踵目覩遺址皆且且焉至□十八年有德溫普明大
師自法眷中來而□之稍大其居暨將方丈厨室修葺頗完
時有志於 佛殿□惜其未興功而化德溫之門徒曰行潮
曰行能其行能者戒行嚴謹博學寡欲僧中為最一旦謂潮
□ 佛殿匪建精藍未葺福善何以仰緇侶何以依潮曰然
於是同聲協贊特發虔誠遂施於鄉人之□□者鳩工聚財
費出浩瀚經始於延祐五年夏至是歲九月營構方成簷棟
高敞其廣六楹如翬斯飛□□鬱鬱其勢峩峩然費廣易乏
謀大難成理之必然嗟夫功未畢而緡錢不繼事乃即寢歲

月綿邈二□餘載荐營弗克惟能力雖不足而心每慊然後
迄至正二年春正月以致畜積頗饒復繼前功卜吉□命工
匠日用之所需瓴甓之所費皆破已資始於孟春成於仲夏
丹堊分明繪畫鮮好雕甍彩桷煥然一新足可以助禪門之
烜赫增釋氏之光輝豈不為本僧□勤且能乎今之來此者
崇迭壯觀樂趨清□□不啓善惡嚴恪而瞻禮者也屬予
為記於是乎書

至正二年八月日

行潮 行能 □□ 朔山 □□

沁水縣典史張智

儒學□□□□□□□□

晉寧路沁水縣尉趙璋

承仕郎晉寧路沁水縣尹兼管本縣諸軍奧魯勸農事元
口善

將仕佐郎晉寧路沁水縣主簿翟德

承仕郎晉寧路沁水縣達魯花赤兼管本縣諸軍奧魯勸
農事馬兒的
段祐珍 王口仁刊

校碑題儒學教諭呂本撰法輪習法沙門碧巖行願書并
篆沁水縣志有元教諭呂本無年月以是碑證之當於至
正二年以前任碑云兵火者卽金季之兵至元十八年德
溫普明大師葺方丈廚室頗完而殿未修至正二年夏重
修佛殿成行潮等屬本爲記澤州府志鳳臺縣松林寺一
名法輪禪院沁水縣法隆寺在縣東關宋時建碑末所題
諸官有沁水縣典史張智儒學開沁水縣尉趙璋承仕郎

沁水縣尹元闕善將仕佐郎沁水縣主簿翟德承仕郎沁水縣達魯花赤馬兒的以碑立至正二年證之皆當以是年任可爲考晉故者之助

德風亭詩敘

石高二尺廣三尺一寸八分四十四
行行二十五字正書今在潞安府署

登潞州德風亭叙并詩

上黨居天下之脊太行瞰其面并門負其背右脇漳水而左
腋壺關於漢為名郡於唐為鉅藩五代宋金亦倚之為重鎮
亂離以來土崩瓦解珍堊閒館兵車蹴蹋而為墟高亭大
榭烟火焚燎化而灰燼獨所謂德風亭者頽垣壞宇尚存於
荒烟野草之中吁可惜哉洪惟

聖元受命疆理天下建州治於茲者有年矣累政回循視為

度外至正辛巳冬河東張公瞻甫來守是邦下車未幾興滯
補弊百廢具作○脩於庭戶數日之間民自得於河山千里
之外越明年歲壬午○於退公之次登亭故基惻然有興復
之意遂命工鏤高堙卑驅石剪棘剔污壤峻遺址以門以墉
乃棟乃宇構亭三楹而扁以故額經始於維暮之春落成於
○暑之夏觀夫地位顯敞軒戶灑落明則夜朗幽則暑涼遠
挹山水登臨之美近覽人物居邑之盛誠一方之壯○千里
之偉觀也凱嘗以暇日同郡叅謀郝公唐臣上黨尉郭公君
實陪

公觴詠其上感慨懷古之○曰成唐律十章用寫一時之雅
○ 叅謀○請刊諸翠珉以為他年之故事於是乎書是年
冬十有一月○日前河東貢元高平元凱書

地闢天開氣象雄
層簷飛棟插晴空
行千里河山外
在三年素簡中
餘惠吹噓周廣漠
先聲鼓舞出鴻蒙
江東且莫誇遺事
已覺蒲葵下風

其二

八面玲瓏列綺堂
使君口構

德風堂民安淨掃
狐狸迹吏散斜吹
鴈鷺行翠色入簾
浮口草綠陰滿地
口甘棠辰牌過午
停歸轡受用南來
一味涼

其三

飛亭縹緲踞崔嵬
簾捲金鉤控夕暉
大匠經營窮地勢
使君謀畫口天機
常邀卿月口青瑣
遠拱台星近紫微
七邑黔黎一何幸
乘涼時得詠而歸

其四

雨晴軒戶晚天涼
日上觚

棱曉色蒼隱隱
畫欄橫蝶螭鱗鱗
碧瓦覆鴛鴦公庭
草長民無訟判筆
花生墨亦香太守
來游禽鳥樂綠陰
清晝恣徜徉

其五

亭下雙旌拂綠莎
花邊五馬繫鳴珂
挽回口黃秋聲早

口澈雲階月色多
公退不妨同坐嘯
吏閑猶可共吟哦
阜財

解慍南薰操時逐絲桐入浩歌

其六

危基高壓古城闕門外

青山盡不真好客每懸徐孺榻污人常避庾公塵槐陰澹澹
晨光薄蘋末蕭蕭秋意新聞道康衢謫和氣夜來鼓舞及堯

民

其七

地控漳東最上游簷牙高啄白雲秋文憲耀日晴如

拭翼口翔烟曉欲流雅集衣冠儀楚楚遙臨軒旆影悠悠塔
前盈尺容相借收拾新詩入筆頭

其八

月砌雲堦背曲廊蘭

芬桂擦面黃堂簾櫳壓地全無暑几席凌空剩有涼畫戟凝
香鈴索靜玉虬吐水漏聲長文章太守時閑適笑共賓僚醉

一觴

其九

四面山坳碧玉環當中亭子勢孱顏九天閶闔登

臨外五代封疆指顧間白鳥平蕪晴野闊蒼烟喬木夕陽閑
客來不盡興亡恨吟袖颺風月下還

其十

繡闥雕甍照錦帷

使君宵次構成規陽春有脚行花縣仁政無聲寄縻絲□目

好山皆是畫可人清口也且詩雲間千丈磨崖石當為公刊去後思

上黨王溫刊

按文今載潞安府志為元凱撰凱高平貢士見本縣志又

潞安府德風亭在郡後

金石記亭明皇為潞州別駕時故居

唐元宗建宋徽

宗為節度重葺元廉訪使王思誠地曹侍郎熊戴俱有詩
元陳中立潞州重建德風亭記至正辛巳冬十月晉陽蔣
軒張侯瞻甫來知是州越明年春二月河東僉憲王致道
按部至郡登亭賦詩以紀諸石有皇王帝伯人何在今古
興亡跡尚存之句張侯傷古之情浩不容遏乃咨於僚友
自監郡至於參謀僉曰構築崇敞以著為治之嚴曷不宜
乎遂割俸金鳩工謀匠責上黨尉郭崇信董其事四月經

始五月工集與此碑明年壬午公登亭故基有興復之意
經始暮春落成暑夏者合碑有郡參謀郝公唐臣上黨尉
郭公君實校郎郭崇信皆可爲考晉文獻者之助末題是年冬
十一月前河東貢元高平元凱書後刻七律十首

重修孚惠宮記

碑連額高三尺一寸一分廣一尺八寸二十三
行行三十四字正書額題六字篆書今在絳州

重修孚惠宮記

忠勇校尉晉率路絳州判官邢德昂書丹并篆額

正平監邑李蘭奚公蒙古尊族襲吉刺氏也用廕基仕次迭
是任至正壬午春口野以勉農業因謁鼓堆之孚惠宮通問
宮所祠為何神有告以此山之下水泉出湧無有竭時是水
之澤寔大惠利邑中庶民凡食用黍稷糧稻果蔬苽麥卉植

之贍漬濯磨礪之便皆惟是賴人以其功關於民命之重故報德而祠焉以口為陰屬陰象為萬物之靈者女人是也迺尸聖母之像為水神之憑依神之有靈旱禱之即雨雨禱之即暘宋賢相司馬公及梁尹祠記董真人重修宮碑脩載其實信山川之靈勝而典禮當受祈報之饗者也監邑聞是言乃曰神之昭績若是大著何其祠宇廟貌傾圯特甚雖風日雨露尚不能全庇神亦豈常安棲此哉且今既祠之祠而又不能極其敬與不祠何別昔時洪水汨亂堯首擇禹治之水既平乂然後稷得教民樹藝今吾為農事至此使民受吾勸而力作假若天降旱澇神不錫福以救邑民亦不能遂生矣吾於農事將何功乃大出已俸以為民倡使吏程從章董工理政之暇又不遠數十里屢屢詣祠下而願指所令修治有

增有易有塗有繪計用萬餘阡緡於是煥然一新輝映山澤
龍盤金而繞梁鳳呈瑞而騫宇芝英產松雲景依薨大戶耀
丹而殷春雷轟辟施章而列輿衛霜瓦甍鴛虹棟閣漢螺黃
緒聖內外炫精來者莫不喜羨乃今知神得妥靈而愈賜遐
祉於斯民矣提點道士劉志順詣予請曰宮之祠宇興自晉
隋遭宋金兵革廢弛蕩盡吾宗姜真人者德感

在祖宸極力大緣重鄉人堅請之復興此祠不幸工事未殫
而真人遐舉經今七十年餘吾宮十薄不能繼續鄉士大夫
又莫肯先施前此監牧多不暇問匪今邑長有愛民敬神之
實不數年又成遺址矣吾願垂其善於不朽以報德且勉後
人鑑是而踵迹焉於是廣寧儒學泠掾浚儀趙友正為之記
大元至正三年歲次癸未四月丁巳朔初五日庚子吉

道士張德信尉志字郭德賢吉德清薛德安樊德和立石
監工祇候陳貴行義胡進

石匠陳良刊

校碑題忠勇校尉晉甯路絳州判官邢德昂書丹並篆額
絳州志德昂至正三年以忠勇校尉任州判此碑立至正
三年州志云三年任當卽据此碑碑云正平監邑李蘭奚
蒙古尊族寶吉刺氏用廕仕次選是任至正壬午春謁鼓
堆之孚惠宮校輟耕錄蒙古姓七十二種有寶吉刺氏元文
類袁機冊皇后食吉刺氏今遺攝太尉右丞相旭邁傑授冊此食吉刺爲貴族之證至正元年張在
輿梁令祠記有正平監縣李蘭奚則奚當於至正元年以
前任州志孚惠聖母祠在鼓堆其云宋賢相司馬公及梁
尹祠記溫公集鼓堆題辭鼓堆之西山曰馬首其北水出

澤別名清泉堆周圍四里狀如覆釜其南醴爲三渠一載
高地入州城周吏民園沼之用二散布田間灌溉萬餘頃
所餘皆歸之汾堆首有神祠蓋以水陰類故其神爲婦人
像治平元年宋知淄州薛宗孺梁令祠記堆上立祠狀婦
人以主之質於碑誌事無依據意者謂水爲陰象理或當
然與碑云乃尸聖母之像爲水神之馮依者合按據溫公
及宗孺文則鼓堆先止有孚惠廟宋治平絳州太守王公
始爲梁令修祠故今鼓堆二祠並建所云姜真人德感世
祖者卽靖應真人姜君於至元十一年卒董真人卽董若
沖見秋風辭石刻故云今七十年末題廣甯儒學掾趙友
正記孚惠廟又見王沂李榮祖德政碑碑立至正三年四
月

表梁軌水利碑

碑高四尺一寸五分廣二尺一寸
十七行行四十字行書今在絳州

表臨汾令梁軌水利碑

里人張在輿撰

承務郎中書左部主事賈魯書并題額

大元

聖天子改元至正之三月大同李公榮祖以留守叅贊來知絳州下車初即禋祀百神恤孤問寡興舉廢墜遠知治北幾一舍有孚惠廟冠於山顛山載石形如覆釜中空履之有聲下出清泉匯為深澤通渠十二溉田五百餘頃大旱不歉民賴以饒又引其餘波縈帶園池以為邦侯遊憩之所公既至思大索幽隱表而出之謂茲民享其利不知其人可乎睥睨

久之復於山西北隅榛荒中得古斷碑碑石已泐文將磨滅
合而觀之水滄手摩始能辨其字畫公曰嘻茲為梁軌祠堂
記里人薛宗孺所撰也稽諸宗師之記又皆章章可信即命
正平縣監字蘭奚縣尹邵良弼主簿婁永福典史吳弼董其
役函故碑於孚惠廟壁泐合字完文遂可讀且俾終人不忘
其功時修其祀俾余紀其事以傳悠久謹按記誌縣初為臨
汾隋開皇十八年改正平唐武德元年移於今治山表土狹
人夥常艱食必決水溉田始克濟焉隋開皇十六年內軍將
軍臨汾令梁軌以亢陽致災為憂遂跡晉之故道審執逗絕
䟽源分派開渠溉田渠成民不籲勞旱不為災其別流貫刺
史牙城環為池沼迤邐間浹治園圃邑人歌頌刻石以載其
賜噫絳人之饑軌實憂之軌微絳人則不祀絳人微公則不

知余絳人也敢不賢公之德大軌之功歟

至正三年五月廿有六日立

李昶鑄字 安進

校碑題里人張在興撰承務郎中書左部主事賈魯書并
題額元史賈魯傳字友恒河東高平人延祐至治間兩以
明經領鄉貢泰定初恩授東平路儒學教授辟憲史歷行
省掾除潞城縣尹選授丞相東曹掾元史百官志無此官有中書左右司省掾
擢戶部主事未上父卒服闋爲太醫院都事不言爲中書
左部主事元史志中統至元累以吏戶禮爲左三部碑言聖天子改元至正之
三月大同李公榮祖以留守參贊元史志無此官意卽京府同知來知絳
州是榮祖以至正元年三月知絳今州志至正二年榮祖
知絳誤王沂李公榮祖政績碑晉之絳陽卽古東雍至正

之初雲中李公榮祖之爲郡下車首飾先聖廟學校由是以興旣而詣諸壇壝謂其寮宋曰社稷於民大矣乃築壇建祠凡載於祀典者莫不興焉與碑禋祀百神者合王沂碑又云初水利之不通也不知其幾何年矣聞北山有孚惠廟尤不知其爲孰也公旣至得一斷碑於草莽合泐而讀之方知爲隋臨汾令梁軌水利碑今改縣爲正平上載通渠十二公循其迹衍而鑿之田園有溉灌之澤川派無壅竭之患復爲梁軌修廟植碑以著其績校卽此碑所云孚惠廟者亦與此碑合碑所謂通渠十二溉田五百頃云云者見宋薛宗孺梁令祠記絳州志鼓堆清濁二泉合流而下漸成大溝溝上地水不能及隋正平令梁軌此語有誤當云臨汾軌爲令謂水動物也順之則下激之則上乃因地宜時縣未改名

以激水迄今千餘歲雖小有變更而大勢則因之校軌疏渠溉田當世雖不顯名而自唐以來有樊宗師孫沖之記薛宗孺王恪李榮祖之表彰廟祀東雍至今血食信乎創其利者必享其報然則爲民牧者顧可不勉歟榮祖延祐六年爲夏縣尹則像司馬溫公於祠見李穉賓司馬溫公祠堂堦像記尹絳又以興學秩祀疏水爲急亦元季之循吏史傳闕載今萃諸碑所述可補其闕王沂碑言三年之久化明讓行民多賴之惜乎瓜代而不可留此爲涖絳三年之證又王碑言榮祖復通水利而此碑不言成功不居洵稱罕覩通志有榮祖傳簡略殊甚今碑有正平縣監卽達魯花赤索蘭奚縣尹邵良弼主簿婁永福典史吳弼皆可爲考晉故者之助

元絳州

怡正平

絳州譙樓記

碑高三尺一寸五分廣一尺七寸六分
十九行行三十五字正書今在絳州

大元絳州朔建譙樓

里人張與撰

郡書戶部主事賈魯書并題

絳古名郡舊有□□□□□□接之土用司□□□□
□佐邦政厯代逾遠□□□者天池□□□壺□□□□
□□也至

大元至正孟夏□□□孝□□□□□□夫以州□制
□弗□無以壯麗邦邑警□□□□□□□□千□□村
□□□□□□築基二丈壯麗□廣□聳觀瞻□□□□
□□□□□□之又合衆□□□□□□之職□壺以

不□□□□□□□□□□□□□□□□
之□者矣□□□□□□□□□□□□□□
民□□□□□□□□□□□□□□□□□□
已□□□□□□□□□□□□□□□□□□
人□之□□□□□□□□□□□□□□□□
能為□可
銘曰

☐☐☐ 遵 ☐☐
☐☐☐ 古 ☐☐
☐☐☐
☐ 天 ☐
☐ 歷

[illegible]

政 治

[illegible]

☐☐☐ ☐☐☐ 東 ☐☐ ☐☐☐ ☐☐☐

□ □ 千秋 □ □ □

至□三年五月□□□□建

李□鏐

按碑題里人張

關

與撰郡

關

書戶部主事賈魯書并題校

元表梁軌碑本題里人張在與撰中書左部主事賈魯書

此碑立至正三年五月梁軌碑立年月與此碑同然則此

碑即張在與撰也元史傳魯爲戶部主事不言何年以碑

考之則至正三年前已爲戶部主事

梁軌碑題左部主事與此碑微異

通

志金石記元絳州新建鼓樓記至正三年賈魯撰并書知

州李榮祖立石絳州志賈魯書文廟鼓樓二記魯書取裁

於晉而氣骨蒼穩絕去近世佻巧之態惜其碑爲風雨剝

蝕日就湮滅按此碑搨本存字無多亦與志言日就湮滅

合通志州志皆作鼓樓記搨本作譙樓記修志者疑未見

碑本碑立至正三年五月

觀稼軒記

碑高三尺三寸六分廣一尺七寸五分二十七行行五十一字正書今在長治縣五龍山

有元潞州知州張公創建觀稼軒記

晉寧路上黨縣傳學教諭齊季書丹

從仕郎晉寧路上黨縣尹兼管本縣諸軍與魯勸農事靳居仁篆額

至正癸未夏四□□

太守張侯暨節判王公祭于五龍山祠盟奠禮畢露稅於庭有黎老數人扶杖而前若有進謀者曰惟茲山去郡二十餘里神祠據今千有餘年凡旱乾水溢有禱輒應固不待言而山之蜿蜒磅礴橫亘巽位居高臨下粲若燭照前守每欲為

亭以舒晷望築土為基歷三政而弗克願回公之力以成之
且以為齋戒受禧之所公曰今旱乾荐臻民力未瘳其可興
土功乎越二日丁巳雨作己未雨大作五月初吉公率僚屬
躬謝神休則見其基之缺者塞隆者夷荷揄負畚百夫齊興
公曰嘻今雖有雨而民食未豐其可乎衆曰不然夫雨者神
之惠而公之感也苟不回是口葺之其誰肯堂之者公曰基
則成矣木於何有衆曰南村有廢亭其初皆神山木也構而
未飾幾二十年災傷癘疫歲不遑_寧今願移置於斯則彼之
凶可除此之功可成一舉而兩善并矣公未及荅於是或與
一椶櫚焉或施一瓴甓焉紛紛籍籍不可勝計公不能遏乃
諭上黨監縣欲納思鳩工餽匠浹民所欲易其朽蠹飾以甍
甍不逾月而落成亭成而其景益奇望之則層巒疊嶂秀壁

蒼崖青環翠擁而拔出氛埃者莫不排列乎其前長岡斷阜
馳峰象脊虬蟠鳳翥而盤踞夫坤維者莫不阿附於其後高
城深池閭井村落茂林高木瓜分碁置森羅隱見皆寓夫几
席之下平原沃壤莽蒼千里高黍下禾乘疇麥疇蔚乎大田
而咸在乎指掌之中凡昔之晦者明鬱者清潛者露態隱者
呈形出沒變現千奇萬象雖有智者莫能測其狀也黎老乃
相聚而嘆曰嗟乎路郡居太行之顛其形勝甲天下豈其蘊
千古而顯于今與將山靈有待而後發與繫替之守多曰仍
惟今之守皆循謹故神降之休地呈其美而民樂其事然則
茲亭之建直瞰郡城請以望州名其亭公曰不然亭之美故
必由人而後興而形之勝亦必曰地而後見是皆已然之陳
迹也若使天下而不雨則杳杳原隰化為滌滌山川雖欲為

亭以保斯樂得乎今而既兩矣麻麥在原禾黍在田環眺四顧穡穡滿川今又貧者効力留者薦賄不召而自至不命而自施則吾與爾曹得為亭而共饗斯樂者民之力而兩之賜也且夫宣上德而與民同樂者太守之職也予方將殖爾根耨爾苗去其螟蟥鋤其稂莠以觀爾稼之成若然當名之曰觀稼可乎眾曰善遂書之時維至正三年歲次癸未八月辛酉朔甲午日也建之者誰太守菊軒張侯也記之者誰郡人李庭適也

杜長郭寸等

監工上黨縣典吏李希賢

五龍鄉耆老李德溫用誠等壹拾貳名立石

晉_寧路潞州吏目郝恕

敦武校尉晉_寧路上黨縣達魯花赤兼管本縣諸軍與魯
勸農事欲訥思

敦武校尉晉_寧路潞州判官王景願

奉議大夫晉_寧路潞州知州兼管本州諸軍與魯勸農事
張埜僊怖化

武德將軍晉_寧路潞州達魯花赤兼管本州諸軍與魯勸
農事沙的

石匠頭目王溫刊 木匠頭目郭義 司廟人王子

華

按碑題晉甯路儒學教授齊孝書丹從仕郎晉甯路上黨
縣尹兼管本縣諸軍與魯勸農事靳居仁篆額潞安府志
元時教諭有齊孝名靳居仁亦以至正時尹上黨均見職

官碑言至正癸未

卽至正三年

夏四月太守張侯暨節判王公

縉於五龍山祠校五龍山龍淵碑銘會應王廟記五龍神

像碑德風亭碑皆張侯時立張侯以諸碑證之河東人名

埜仙佈化名景巖字瞻甫則此謂菊軒者又其別號也潞

安府志張景巖河東人至正時知潞州興廢補弊政多可

稱泥此是景巖知潞州時屢有興作不僅如諸碑所云又

龍祠西有觀稼軒西下有石佛窪東北有小松窪枕岡踞

阜三面絕壑此爲雲梯環山皆茂松引李供奉集上黨碧

松烟之句爲證然則五龍山固潞州異境宜其作軒紀事

寮采聚集而相與鋪張揚厲如此之盛也靳居仁亦見五

龍神像碑軒名觀稼張侯應父老之請而題是額碑立於

至正三年癸未八月甲午日郡人李庭通撰潞安府志李

庭通解元官孟州學正河間府照磨庭通別有撰碑題銜
爲孟州學正亦可與是相參碑末題上黨縣典史李希賢
潞州吏目郝恕敦武校尉上黨縣達魯花赤兼管本縣諸
軍奧魯勸農事欲訥思敦武校尉潞州判官王景顏奉議
大夫潞州知州兼管本州諸軍奧魯勸農事張埜仙怖化
武德將軍潞州達魯花赤兼管本州諸軍奧魯勸農事沙
的並見會應王廟碑王景顏府志作王景龍當以碑爲正
龍淵碑亦作景顏知志不可据餘俱與碑同惟上黨縣典
史不可攷或尙有逸脫据碑可補爲至正三年任山西通
志金石記收此碑題銜亦備與今搨本均合碑見通志金
石記

重修會應王廟記

碑高六尺四寸五分廣二尺七寸二十七
行行六十三字正書今在長治縣五龍山

有元潞州知州張公重修會應王廟記

前河東貢元高平元凱書

徵事郎晉_寧路襄垣縣尹兼管本縣諸軍奧魯勸農事閭
仲榮篆額

奉議大夫晉_寧路沁州知州兼管本州諸軍奧魯勸農事
韓鵬書丹

傳曰天子之制諸侯庸節節莫差於僭僭莫重於祭祭莫重
於地地莫重於天故常祀則天子祭天諸侯祭土旱乾則天
子雩上帝諸侯雩封內山川百神節也非僭也雩而不雨則
書閔雨也雩而雨則書喜雨也閔雨而與民同其憂喜雨而
與民同其樂其懼天裁恤民隱之意深矣若夫視民之憂樂

為己度外事者豈為民上者之道哉潞郡在春秋時列爵惟子其五等之侯國乎郡于巽維隄山天作其封內之山川平凡遇旱而雩者必於是乎在焉山有廟貌以奠神居神有尊爵以稱王號碑石嶄然班班可攷其深居翼翼端拱巍巍雷霆風雨晦冥變化有不可得而名言者故歷代崇祀以為禱禱之所至正辛巳冬冀^⑤張公用臺薦來典是郡越明年壬午夏閩境告旱公戚然曰士當先天下而憂後天下而樂閩勤之職其不在茲乎廼戒寮案省牲幣消吉旦雩於祠下靈貺響應歲則大熟又明年歲癸未當春夏之交彌月不雨公有憂色雩而復應於是官吏庭慶商旅途歌農夫野抃咸謂將見有年大有年特書屢書之也乃以三月己丑恭謝祠下願瞻廟貌簷傾壁敗堵隤堦侈甚非所以展禮神之敬乃屬

其僚吏而告之曰夫有雩必應庇廕一方神之於人惠至渥也祠宇之壞其可坐視遂捐俸為倡眾皆翕從下逮邦民罔不悅隨然但以山高水涸重煩民力為虞時則有若上黨監縣寔從公行公諭之曰山澤通氣理之自然神其有靈必獲陰祐爾其為我禱之翼日傾惻致詞於祠之前相地再拜浚不數仞井泉奔出一時觀者且喜且愕曰古人有刺山泉飛拜井水湧者斯其近之矣然後監縣公受命蒞事董功役課章程周旋惟謹外則墉垣百堵版鋪並興增卑室郤檐瓦圻鏤次則應門內門高下相抗螭陛疊玉獸鏤鑄金中則正殿爵磐長廊回合陰虬負棟陽馬承阿華扁爛金碧之署舞榭騰丹腹之輶輪焉奐焉目眩神褫瞻者謂鯨海珠宮鼇峰貝闕飛墮人間世也然以其非觀省之所於乾之維度其間曠

構亭三楹題以觀稼規模位置綽有思致詳具郡士李庭通
之記茲皆不書凡鍛斷鑊墜設色追琢版築之工俾儼
直如其素故公無羨費人無留力匠無餘技也造端於孟夏
之初告終於仲秋之末一鄉之忙亦未嘗釋隴畝而公之志
始得焉所謂先天下而憂後天下而樂者舍我公其誰歟是
年秋百嘉就實萬寶告成鄉人將盛合樂而落祭之耆老劉
仲等謹狀其事蹟來諗予曰惟幽則有鬼神明則有禮樂合
神人貫顯微理一而已今公既崇廟狼葦祀事以酬神惠苟
不播頌聲著金石以報公德豈禮也哉矧夫神相有道天誘
其衷祠之坤維貞珉湧出金聲玉質不假人為求予為記以
貽將來謹按魯史以告之曰僖公魯之賢君其見於經不兩
而書雨而書聖筆不少假貸然修泮宮復闕官吳斯董役史

克作頌於聖人則絕筆焉蓋書者美其有志乎民事不書者
喜其不勞乎民力酌古准今其揆一也觀我公之既騁而雨
則當大書以侈美之觀我公之維新廟貌則當作頌以歌詠
之夫何間然之有且前政視祠宇摧圯為餘事往往皆蕩克
桐載而歸今公以廟貌興廢為己任祇得屹片石於無人之
境厥惟艱載自今其往爾民之游於斯息於斯祈且報於斯
者摩挲是石尚當加召伯之棠萊公之柏而愛重之斯可矣
故書公名堃仙佈化諱景巖贈甫其字也監縣公名欲訥思
色目哈兒魯氏督功人吏上黨李希賢也

至正三年秋九月吉日耆宿南董卓

北董王思溫郭

堡郭才等立石

司廟王立

縣吏邢義閭居仁

吏目郝恕州司吏李奉先楊思溫晉仲明

提調官敦武校尉前上黨縣達魯花赤欲訥思

徵事郎上黨縣達魯花赤護都普化

敦武校尉晉路潞州判官王景顏

奉議大夫晉路潞州知州兼管本州諸軍奧魯勸農事

張堃仙佈化

武德將軍晉路潞州達魯花赤兼管本州諸軍奧魯勸農事沙的

工師郭義玉人王溫刊

校碑題前河東貢元高平元凱撰徵事郎晉甯路襄垣縣尹兼管本縣諸軍奧魯勸農事閭仲榮篆額奉議大夫晉

甯路沁州知州兼管本州諸軍奧魯勸農事韓鵬書丹校
高平學田碑陽城縣清風亭記潞城縣慈雲院碑集仙觀
碑並皆元凱撰文其慈雲院題曰前河東進士第一進士
第一者卽貢元與此碑合閻仲榮通志金石記又有鳳臺
縣宣慰使鄭紀功碑篆額銜題前御史然則仲榮又曾爲
御史也韓鵬五龍山重修龍王廟碑有韓鵬名當卽其人
碑言至正辛巳冬冀甯張公用臺薦來典是郡校年表辛
巳至正元年張景巖德風亭碑亦稱其以至正辛巳來知
潞州則此碑之年固爲不謬井泉蓋指鑿龍井而言有周
泰龍淵碑銘閻亭蓋指觀稼軒而言有李庭適觀稼軒記
皆在至正三年悉與此碑合又通志金石記五龍神像碑
亦張奉議野仙佈化立記謂張以祈雨報祀重建其廟前

後四碑大書深刻其好名亦至矣四碑謂觀稼軒記龍淵碑銘五龍神像碑並此碑而爲四也然德風亭碑亦紀張侯之事若再增入則並爲五矣特不以祈雨立耳碑後稱公名野仙佈化諱景巖瞻甫其字與志亦同特志又謂其爲河東人此碑云冀甯按元史成帝紀大德年間震改太原路曰冀甯路平陽路曰晉甯路元冀甯晉甯二路皆屬山西河東宣慰司故皆得曰河東碑末題銜有吏目郝恕提調官敦武校尉前上黨縣達魯花赤欲訥思徵事郎上黨縣達魯花赤護都普化敦武校尉晉甯路潞州判官王景顏奉議大夫晉甯路潞州知州張埜仙佈化武德將軍晉甯路潞州達魯花赤沙的色目哈兒魯氏其姓蒙古之語數如是也諸人均見府志又觀稼軒記題銜亦同府志

謂會應王廟在長治縣東南山上歷代崇祀爲禱雩所因
至正間郡守張景巖祈雨屢應重新廟貌元凱撰記卽指
此碑而言碑立於至正三年九月碑見通志金石記

太原孔廟碑

碑從裝本錄出尺寸行
數無稽今在太原縣

夫子廟堂記

駕部郎中程浩撰

朝議郎判尚書武部員外郎琅邪顏真卿書

朝散大夫檢校尚書都官郎中東海徐浩篆

天地吾知其至廣以其無不覆載日月吾知其至明以其無
不臨照江海吾知其至大以其無不容納料廣以寸管測明
以尺圭航大以一箬廣不能逃其數明不能私其質大不能

亡其險偉夫夫子後天地而生知天地之始先天地而沒知
天地之終非日非月光之所及者遠不江不海潤之所溥者
博三代禮樂吾其損益百王憲章吾其消息君臣以位父子
以親家國用和鬼神以饗道不可筌其有物釋未可證於無
生一以貫之我先師夫子聖人也古之帝聖者曰堯古之君
明者曰禹堯之德有時而息禹之功有時而窮我夫子之道
久而彌芳遠而彌光用之而昌捨之而亡昔否於宗周今泰
於黃唐不然何耀衮而裳垂珠而王者矣

唐天寶十一載歲次壬辰四月乙丑朔廿二日丙戌建

宣聖充公像讚刻諸⑤珉肇于唐世晉溪德靖處士徐楫
歲久湮廢爰割己貲命工摹刊複樹碣于寶墨堂以傳悠
好古之君子

晉人智允厚謹題

大元至正癸未十月吉日立

并城武懋鐫

按碑題駕部郎中程浩撰朝議郎判尙書武部員外郎瑯
邪顏真卿書朝散大夫檢校尙書都官郎中東海徐浩篆
唐文粹浩有扶風夫子廟碑又大厯八年昭義節度使薛
嵩碑亦浩撰文題銜爲禮部郎中以此碑證之則浩蓋久
於曹郎者舊唐書顏真卿傳遷殿中侍御史東都畿採訪
判官轉侍御史武部員外郎唐會要兵部天寶十一載三
月二十八日改爲武部多寶塔碑真卿浩結銜皆與此碑同碑立是年四月
故得題武部新唐書徐浩傳由河陽令爲東都留守王伾
表署其府判官累遷都官郎中不言何年以此碑及多寶

塔碑證之知以天寶十一載爲是官碑末題天寶十一載
歲次壬辰四月乙丑朔二十二日丙戌建與多寶塔碑題
天寶十一載四月乙丑朔二十二日戊戌者少異按朔爲
乙丑三十二日自當爲丙戌此碑不誤太原縣志夫子廟
堂碑在儒學顏真卿書今碑末有刻云宣聖充公像讚刻
諸元珉肇於唐世晉溪徐福闕歲久湮廢爰割己貲命工
摹刊云云又題晉人智允厚題大元至正癸未十月吉日
立然則此碑爲元徐福重刊非唐原碑縣志不別白言之
未核碑立至正三年

石公瑩碑

碑高四尺二寸廣二尺二寸一分三行行六字字
大五寸後題一行二十六字正書今在

元故奉政大夫同知廣元路總管府事石公瑩

翰林侍 講學士中奉大夫知 制誥同修 國史同知

經筵事揭傒斯書

按碑題奉政大夫同知廣元路總管府事石公瑩翰林侍
講學士中奉大夫知制誥同修國史同知經筵事揭傒斯
書元史地理志憲宗三年立利州至元十四年改爲廣元
路揭傒斯傳遷翰林待制升集賢學士階中順大夫奉旨
祀北嶽濟瀆南鎮天子親擢爲奎章閣供奉學士未至改
翰林直學士及開經筵再升侍講學士同知經筵事以對
品進階中奉大夫至正三年年七十致事而去此碑無年
月以史考之當在至正三年前

老君廟香臺記

石高八寸九分八面每面廣五寸第一面至第四面面均
六行行十二字第五面五行第六面九行行字不等正書

今在平
定州

承天寨老君洞香臺記

去平定州八十里有山曰綿山有河曰綿河舊屬承天鎮即
古承天軍也鎮廢改隸故關巡檢司山峻絕河水澄澈可愛
泉出口上下凡六七處而懸泉最為□特金末閑閑趙學士
有賦□焉半山有寨曰承天寨當寨鑿洞中像老子旁有竅
如龍蛇窟窈窕而入行十餘里乃不敢前名曰老君洞洞之
在山如曰張果老洞七星洞白雲洞者甚衆而老君洞居第
一門挹朝霞則五色絢爛冬春雨雪則瓊瑤重疊嵐翠凝潤
幽人逸士見之直欲坐霸瞰而禮夕月倘佯乎星斗之間也
有康琪者鎮人居城西作香臺構洞之前為瞻禮者焚燎之
所幣以將敬若子之心也臺猶幣也內當立誠誠立而道脩

則臺在此而不在彼矣琪與馮孝基來余方自京師歸不□
拒鄉曲之請遂書數語以識歲月云

四年二月清明翼日立

中奉大夫侍 御史同知

經筵事呂思誠記

門生陳好謙書

勅授平定州故開巡檢呂之固

父康堅母張氏 五子 長康彥才次康子安四康廣五康傑

施香臺主康琪妻馮氏長子□□二康從□三康從□四
康從德女巧花次董仙三繼枝

岳父馮孝基梁氏

伯叔昆仲康子實康智康德康聚康伯威康惠良康彥寶

康安男康繼祖見役巡檢司俸吏

乱柳村石匠石国用弟石成刊

按碑言去平定州八十里有山曰綿山有河曰綿河舊屬承天鎮卽古承天軍鎮廢改隸故關巡檢司金史地理志平定州有承天鎮平定州志綿山在州東北九十里娘子關唐建承天軍一名承天山又名紫金山綿水出綿山又承天山有老君洞舊名保陽庵相傳老子麻姑鍊藥於此此碑所言老君洞碑云閑閑趙學士有賦焉按金翰林學士趙秉文以金大定中知平定州著滏水集懸泉賦在卷二有云泉出祠下大如車輪下赴絕澗懸流千尺殷清空之雷霆飛炎天之冰雪懸泉之勝已狀大概碑末題中奉大夫侍御史同知經筵事呂思誠記思誠傳云升侍御

史會平章袞布巴勒不法監察御史劾之御史大夫額森特穆爾曰姑徐之思誠趣入奏袞布巴勒罷大夫銜思誠

將謀擠之思誠卽謁告去

元史本紀至正三年三月詔修宋遼金三史侍御史呂思誠爲

總裁官十月湖廣行省平章袞布巴勒爲宣徽使

碑云余方自京師歸不關拒鄉

里之請則正思誠爲侍御史謁告去時也今搨本四年上

闕年號以元史暨阿魯圖進金史表考之至正三年三月

修宋遼金三史思誠爲總裁而至正四年十一月進金史

表已無思誠之名則思誠之罷必在金史未成前所闕字

爲至正無疑

思誠官終大司農至正十七年三月十七日卒

又題銜有同知經筵

事可補本傳之闕

傳止載再任左丞知經筵事

碑記爲應州人康琪馮

孝基而作按碑有故關巡檢呂之固可爲考晉故之助又

校碑題門生陳好謙書州志好謙冠山書院山長碑立至

正四年二月

王氏墓銘經幢

幢高三尺八面每面六寸每面七行行四十字
至三十二字不等正書今在繁峙縣聖水村

佛頂尊勝陀羅尼神呪經

經文不錄

大元翼_(寧)路代州鴈門驛提領王公祖考先德之銘

夫世有積陰功者獲陽報昭然著此時果何人哉惟提領王公其人乎公諱思問字子裕丰度磊落器宇寬宏心倜儻而氣崢嶸貌魁奇而材俊異律身謹厚行履端方忠信接交於友朋孝悌稱揚於鄉黨而所與交者皆當世豪傑之士非俗輩之流也口自幼時聰明穎悟善讀儒書既冠而口研吏業通明法律曉達治道所以於至正二年間以茂異之材蒙本站人戶所保申奉

上司文字優陞鴈門驛提領官守是站其地據河東之形勝
當驛路之要衝庶務繁劇公處之泰然綽有餘裕不為憂懼
其撫字本站人戶折斷詞訟事口備理意無私徇允愜輿情
卒以公勤清慎見稱處事三載季甫四旬有九便甘伏退榮
歸田里光耀鄉曲優游自樂予固知其陰惠有素上世積累
亦必有原也拔舉當世之人知命知止志行高潔有如公者
百無一二按其譜係鄉國冀_寧藉貫堅州自高祖口口家居
睢水頭迄今口歷五世口之高祖王兆榮授繁陽左副元帥
優陞昭武將軍娶張氏曾祖名瑛未曾歷仕娶曹氏生二子
長名仲威次名仲可皆思問之祖也祖仲威進士河東交城
縣丹粉鐵冶管勾娶殷氏二子長名鈞次名鑑其父鈞娶郭
氏生一子即公思問子裕也公娶孫氏一子名瞻字視遠思

問之子也公以其故父生前時一旦遘疾召已遺命曰吾死
汝葬我於居宅西北之地是吾思口願也公應曰諾及父卒
公不敢忘故考之遺命於是創構家原塋兆之地爰捨珍財
鳩集工傭經營脩建遠至落成葬盡其禮喪致其哀感鄉人
之嘆曰嗚呼豪賢奇士何壽天之不常所以知人生于世相
遇之實難也若公之用心豈淺淺哉皆

聖代之感口名門之善慶也俾先考如願所依歸之地今子
孫有所瞻仰之處矣豈不偉歟公居閑之際而春秋霜露之
感不忘乎其禴祠烝嘗之祭謹依四時何敢有闕旣而迄今
已有季矣至正甲申孟夏口思先世生我鞠育之德心長而
身力所致如此乃先慶之貽也泣謂友三人司吏劉居善張
仲柔范德口口予欲^⑤堂有刻以狀其素志紀平昔所歷

之二二上得以無愧先人之訓誨下以示子孫吾志畢矣念
予忝居教職流滯潭源與公等交道幾經歲月致懇求為其
文於理固不可辭是以採摭餘芳□述於右噫公之陰德著
聞于生者推原所自歸功先世觀乎家庭芝蘭玉樹□□□
□□□□綿綿不絕更為加勉昭然陽報可勝旣哉詩云永
言孝思孝思維則其此之謂□是以銘之銘曰

□□王氏 篤生善人 尊親至孝 遠近稱仁 名貽

後世 子孫□□ 陰功務積 令德彌新 □□□□

迥出同倫 象貌堂堂 衣冠肅□ □□二季 屬

門提領 □考立榮 □□之□ 繼志述事 天降德

人 □□如此 □昭□揚 □□□□ 璠璣生光

潯水之北 □□之陽 □□感□ □□□□ 勒石

山志卷之三十六
為銘 垂顯無口

皆至正四年孟夏上旬有八日口雁門驛提領王思問立石

曲陽縣李口口

冀寧路堅州儒學正宣授中衛親軍都指揮使司儒學教授維勵撰 子維克思述

冀寧路堅州里榮遷大同路掾范添督工兼撰尊勝呪之銘

冀寧路堅州里宣授中武校尉大都路同知涿州事張讓書丹 下有子男等名不錄

按繁峙縣志幢前題大元冀甯路代州雁門驛提領王公祖考先德之銘後書時至正四年孟夏上旬十八日雁門

驛提領王思問立石冀甯路堅州儒學正宣授中衛親軍都指揮使司儒學教授緄勵撰子緄克思述冀甯路堅州里榮遷大同路掾范添督工兼撰尊勝呪之銘冀甯路堅州里宣授中武校尉大都路同知涿州事張讓書丹次書高曾世系次書佛頂尊勝陀羅尼神呪末贅五言韻語二十字按此幢與堅州副元帥王兆碑爲一家物而文則遠遜且標題記曰祖考先德而專頌思問殊非體裁又先德之稱始於唐猶先考也此曰祖考先德亦不甚合按石所刻王氏諸人兆榮瑛仲可仲威皆見王氏世德碑其云祖仲威河東交城縣丹粉鐵冶管句按唐書地理志太原府交城有鐵太平寰宇記大通監本漢晉陽古交城之地管東西二冶其鐵之務東冶在綿上縣西冶在交城縣北山

此交城產鐵之證元史食貨志鐵在河東者太宗丁酉年
立爐於交城縣撥冶戶一千煽焉此元初交城有鐵冶之
證交城縣志元昔里改牙大通冶辦大元延祐己未北方
饑饉朝廷講究救荒之術命有司給官鐵鼓鑄犁鐮二萬
付以勸斯民耕作之用蒙轄差府吏外郎元君祥交城縣
達魯花赤張家奴進義與予監支鐵貨八月十二日到西
冶得周觀鑑坐其製甚大因訪諸耆老居民鐵冶之利此
見元代交冶之富可與仲威授官相參

潞州學田記

碑高一尺九寸六分廣五尺二寸六分四
十一行行十五字正書今在潞安府學

潞州學田記

上黨學舍燬于兵余三十年前見之惟存大觀中聖作碑及

賜辟雍詔歸然二石對峙於應門之前而已爾後來知州事者咸以官方須勸學故皆顛致力焉乃為廟堂以像聖人為兩廡以畫七十二弟子配享漢唐以來諸大儒從祀為講堂為齋舍為師生肄業之室凡三易尹閔二十年然後焦制苟完別有刻石載其事文登人劉傑來為州曰學制苟完而生徒受業者歲中無以食於故實不可闕乃於柳林里取閒田四頃餘畝擇謹信吏一人守之以為二仲月釋菜之資為舍中晨昏之餐至元二十八年於 藩王小薛得分牧地上黨而學田藉故閒田中故事 諸藩牧馬地民無敢犯守吏以白 王召學正程世文語之曰吾比知分地中有隸學校者吾不可奪汝善收取無恐也乃下教盡畀之世文與余同里開去歲以書來云列郡皆有學為守帥者少不加念則蕪廢

不治因循以應公上之例十郡五六也竊聞大父言吾州承
平時號衣冠蔽澤習科藝者連薨接里如鄉先生王公大用
劉公貢父金昭義軍節度使文簡李公父子禮部尚書楊公
之羨君家伯父訥軒先生及鳩水公皆由此州人士以登太
學名聲亦然至於今頌於鄉枌聞於四海而又前後為政三
尹皆能謹庠序之事知其為王政之大端者今 賢王復有
錫田羨意欲刻之石具其始終告後人幸文之蓋余於興復
之初及舉手之日皆嘗與言焉程君自幼受經於鄉先生及
長為諸生於齋舍今老矣得在教官其於分內之事宜無所
不盡心是宜書余亦里中人豈敢不勉第以守官四方不獲
親書不展之詞於石上為恨俾求善工摹而刻之於父母之
邦亦庶幾與寵光焉

集賢學士中議大夫宋渤撰并書

至正四年五月吉日張奉議立石

州吏李世傑摹勒

玉工任克恭刊

校碑言上黨學舍燬於兵余三十年前見之此指謂金季之兵金史本紀興定二年十一月甲申元兵收潞州元帥右監軍納合蒲刺

欽定本作納合塔富拉塔

參議官修起居注王良臣

死之元史穆呼哩傳戊寅自西京入河東攻太原忻代澤潞汾霍等州悉降之通志大事記興定四年潞州將裴守謙以城降元將史天倪金史本紀正大六年八月移刺蒲阿

欽定本作伊喇布哈

再復澤潞元史因台傳庚寅萬戶因只台吉

與塔思復取潞州武仙兵敗走衛州此皆金季用兵於潞

者碑言大觀聖作碑及辟雍詔通志金石記聖作碑山西

存者一在襄垣縣學一在繁峙縣故城一在孟縣學

金石萃編

大觀聖作碑歷城縣志金石考云大觀碑通天下皆立者題額大觀聖作之碑長治縣志宋勅

州學田記上黨學舍燬於兵惟存大觀聖作碑賜辟雍詔

二石是此碑元尙存其頽沒不知何時据縣志則記所言

聖作辟雍二石今已無存碑云文登人劉傑來爲州學制

苟完而生徒受業者歲中無以食於故實不可闕乃於柳

林里取閒田四頃餘畝爲舍中晨昏之餐至元二十八年

蒲王小薛得分牧地上黨而學田藉故閒田故事諸蒲牧

馬地民無敢犯王召學正程世文曰分地中有隸學校汝

善收去無恐也下教盡畀之

潞安府志程世文潞州學正時蒲王小薛分牧上黨學田

在分地中世文與王辨論不避利害王稱碑不著王封號

服遠之與此碑不同或此碑惡察察言爾

元文類邵文原題小薛王畫鹿詩有禮樂河間雅好儒之
句或卽其人碑又云吾州承平時號衣冠藪澤習科藝者
連薨接里如鄉先生王公大用劉公貢父金昭義軍節度
使李公父子禮部尙書楊公之美君家伯父訥軒先生及
鳩水公皆由此州人士以登太學校王大用卽王良臣中
州集路人承安五年進士作詩以敏捷稱入翰林與李欽
叔善興定初自請北行沒於軍贈孟州防禦使文簡李公
父子卽李晏及子仲略金史晏傳皇統六年登經義進士
爲昭義軍節度使明昌六年歸老承安二年卒諡曰文簡
子仲略字簡之大定十九年詞賦進士中州集楊雲翼字
之美樂平人明昌五年經義進士第一人詞賦亦中乙科
金史本傳正大五年復爲禮部尙書

雲翼兩爲禮尙故訥
碑以此官稱之

軒卽宋知柔見元史宋子貞傳云試禮部與族兄知柔同

補太學生

故碑曰君家伯父以子貞族兄也

子貞字周臣潞州長子人性

敏悟好學工詞賦弱冠領薦書試禮部與族兄知柔俱有

名於時人以大小宋稱之遺山集鳩水集引德安鄭夢以

所編宋君周臣鳩水集見示故此碑稱子貞曰鳩水公

校此

皆記內述程世文之語

碑言程君自幼受經於鄉先生及長爲諸生

於齋舍今老得在教官云云校元貞元年重修五龍廟碑

世文結銜爲潞州學正與此碑同碑末題集賢學士中議

大夫宋渤撰并書至正四年五月吉日張奉議立石子貞

傳子渤字齊彥有才名官至集賢學士潞城縣志至元二

年渤撰李莊重修宣聖廟記碑題銜爲集賢學士嘉議大

夫張奉議卽元至正潞州尹張景巖國名野仙佈化見鑿

龍井諸碑金石記碑書於世祖至元之季至順帝時始刻
石碑見通志金石記

創鑿龍井記

碑高六尺三寸六分廣二尺三寸十
九行行五十字正書今在長治縣

潞州知州張奉議創鑿龍井記

翰林待制王理撰

宣文閣監書博士周伯琦書

禮部尚書王守誠篆額

五龍堂始自十六國時立以祀五方神者今河北州郡往往
有之蓋其遺制也北山經最大者曰太行太行負峙郡邑最
高者曰上黨上黨東南二十里有山曰五龍山山有祠曰五
龍祠前宋加號會應五龍王祠此山以祠得名自慕容時迄

今千百載百姓嚴事之春秋禱賽雨暘祈請有感必應一郡之靈祠也太行綿亘中原千里地勢最高龍山巋然大行之背地勢益高極高之地泉脈瀑瀝於井道固難自古高山之靈觸石興雲膚寸而雨始以脈沐隨以滂沱廣施博利與江河均功大易之象其對待則山高澤下水潤土實其流行也火不獨燥水不獨濕山不亢絕澤不卑止神有胥蠻人有感通理之必至非偶然也郡守最方州之治興百姓之利封內山川疲縣浮沉節文秩敘尚矣冀

張侯景嶷瞻甫知潞州裕政以治人節禮以事神龍山之靈其應顯著至正二年歲大旱請雨而甘澤旁澍明年新廟成鑿井而清泉仰流潞之人曰岡麓之宅莫厥攸居汲輓溪澗不井飲者自古昔至於今矣前人有作闢地數十仞而不及

泉者可按而觀也今井自地平及泉二丈八尺涌泉上出生水不及地平十尺汲用繙尋又二尺豈地泉之汨滴齋于古而豐于今哉山之靈若有期泉之脈若有在人之誠若有適也迺歌曰高山之顛有泉泫然有收勿幕伊神之為德有紀有秩我侯是則井甃訖工郡人曹義捐幣構亭其上買石以書其事文士高平元凱既以載

侯禱雨之應矣遂錄龍井本末請書樂石禮部尚書王君君實以命理乃質其辭而書之

大元至正四年六月 日

郡人雄山鄉西故縣士民曹義暨男曹寬立石

助役社長宋德 曹恩 朱義 馬良甫 宋良 蔡義

宋口 王定 王福

監工上黨縣主簿散只兀台 進義司吏李思賢

助工五龍鄉社長郭才 賈從善 李元 晉順 宋庭

玉 劉清 趙才 王海 郭子溫 牛同宝 李德福

募勒州吏李世傑

玉工王溫刊

司廟王子口

校碑題翰林待制王理撰宣文閣監書博士周伯琦書禮
部尙書王守誠篆額續綱目至正三年三月修遼宋金三
史有待制王理者著三史正統論與碑題待制合金史列
修史官員有纂修官江西湖東肅政廉訪副使王理卽其
人元史周伯琦傳字伯溫饒州人父應極終池州路同知
總管府事伯琦入國學爲上舍生積分及高等去以蔭授

將仕郎南海縣主簿三轉爲翰林修撰至正元年改奎章閣爲宣文閣藝文監爲崇文監伯琦爲宣文閣授經郎帝以伯琦工書法命篆宣文閣寶自是累轉官皆宣文及崇文之間帝嘗呼其字伯溫而不名會御史奏風憲宜用近臣特命僉淮東廉訪司事入年召入爲翰林待制史言累轉官皆宣文崇文之間此碑立至正四年題銜爲宣文閣監書博士與史言官宣文崇文之間者合元史王守誠傳字君實太原陽曲人拜禮部主事與修宋遼金三史書成擢參議中書省事此碑立至正四年正修宋遼金三史時與傳官禮部尙書合碑云冀甯張侯景巖瞻甫知潞州裕政以治人節禮以事神龍山之靈其應顯著至正二年歲大旱請雨而甘澤澍明年新廟成鑿井而清泉流云云又

云文士高平元凱旣以載侯禱雨之應遂錄龍井本末請書樂石禮部尙書王君君實以命理乃質其辭而書之按至順三年高平縣歸正學田碑題長平儒士元凱書丹高平縣志元凱鄉貢進士卽碑所言之元凱潞安府志元知州張景巖河東人碑記作諱景巖名野仙佈化按元時漢人南人居官者多有蒙古名如劉尙質彭侯去思碑云國名孛蘭奚周泰靈惠王感應記郡守余仲淵一名不顏帖木兒可證碑末有上黨縣主簿散只兀台見府志及五龍神像記

德風亭詩碣

碑高二尺廣二尺二十五行行四十一字正書今在潞安府長治縣

大原菊軒張侯瞻甫重建德風亭口成至正癸未郡儒高

翔從鵬翼崔先生文學張仲立貢士高元善來游于亭博
覽山川遂各賦詩以寫景物之盛又以著興亡之迹云

崔□舉鵬翼

上黨古稱天下脊禹貢星分冀州域陶渙漳水物豐饒耕稼
行山民朴質春穠為郡男三韓黎涉附庸環八邑路之州治
古名藩鎮遺廷臣居此職構亭曰見昔人心退食自公暫休
息東迎壺口氣吐吞南揖龍山勢岑寂開屏聳翠對羣峯解
慍阜財高百尺塘鄰檜柏歲寒堂以便高公燕居室護門卧
治□□仙寵德□賢奉明勅先生意慕隱林泉故築西園公
署□鑿山漱泉□觀游傍水偎山松竹鬱泉通□熬水□寒
□□雲吞山色碧公餘政暇憶前賢樽酒笑談怜野逸□□
神道遽失□蕩圯□亭有遺跡垣頽瓦□柱楚傾綿歷星霜

難復葺忽聞□牧蒞軒翁敦本澄源志孤立朝山書集振家
聲清鏡光寒顰眉臆□□□落出囊金貨用何嘗動民力賢
哉監郡蓮幕賓勝事共成捐俸秩物之興廢豈無時再使斯
民瞻□□恍疑仙府基宇隆宛若叢臺工巧極暉飛輪輿挿
飛雲霞燦□楹霜燦壁□庖爽愷風露澄芳徑縈紆□卉植
門塘崇邃翼晨昏甬道登臨任朝夕薰風入座慰襟懷皓月
當軒清几席悠然四顧景無窮壯觀一方民物吉時惟暘尤
穀未苗雨霽虹消功乃畢田園軋軋耘植忙市井忻欣歌詠
德我侯之志豈□修立教養民心所急興崇學校勵仁風
督勸農耒先貨食黃堂善政見今□□□威儀猶古昔風之
草□德化行報國於民方寸赤太行草木盡知名野老
爭先眉宇識高風景慕賦歌詩狂斐却慚無巨筆郡人作言

美□□政跡班班鑄玉石

文學張柔仲立

君侯牧天黨黎庶樂□康□野宣 王化民懷□□□德
風懼有遺大書揭新堂撫字本仁慈蘭菊陪馨香炎蒸可休
偃之暘烏敢忘公退□知音絃誦鳴琅琅□□趨向化異政
播餘芳牕竹搖素魄堦草發青陽漳水環冷碧太行曜晴光
君才誠萬選時輩真□□□□考績華星走聘璋
貢士高伯庸元善

巍峩亭榭倚清空四壁屏開面面風吏散公庭時偃仰□人
山色入簾櫳

揀翠華彩爛昭章簾捲高風晝日長往至那堪倍惆悵天光
凝碧樹蒼蒼

□□風生絕點埃
乘閑時復寫□懷
夜闌更有清人處
雲滿前山月滿階

輪奐遙瞻霄漢齊
規模直□太行低
幾回不盡登臨興
天籟蕭蕭日又西

一簇華亭遠近山
乾坤今古一凭欄
使君有興知多少
咲拂天風兩袖寒

高翔士瞻

國初廢藩鎮
天意濟民康
使君構新亭
務種名公棠
德行風偃草
蒲鞭閑虛堂
座列北海樽
面對南豐香
公退庶務靜
脩然百慮忘
仙臆時陟降
環佩錯琳琅
宸僚或嘯詠
瑞鳳鳴朝陽
拄笏看山色
舉觴邀月光
熙熙五袴民
其樂應難量
君心復何事
願昂如圭璋

大元至正四年七月吉日潞州立

玉工任克恭刊

按碑刻四人詩前有序云太原張侯瞻甫重建德風亭成
至正癸未郡儒高翔從崔鵬翼文學張仲立貢士高元善
來游於亭博覽山川遂各賦詩以寫景物之盛通志金石
記德風亭二碑至正二年立一記唐明皇爲潞州別駕時
故居張瞻甫知潞州重葺陳立中撰文一記亭成地出甘
泉王好古撰文是二碑均非題詩之刻而序張瞻甫重建
一事可引爲碑證碑首刻崔舉七言長古一首次張柔五
言短古一首次高伯庸七言絕五首次高翔五言短古一
首均有音節詩味亦頗淵雅碑刻多漫漶四人姓字前後
互校所以知之潞府志不載此數人至正癸未校年表卽

三年碑立於至正四年則題詩之次年

靈源公祈雨記

碑高三尺一寸九分廣一尺七寸九分二
十二行行三十九字正書今在平定州

靈源公祈雨感應記

鄉貢進士王思善

冀^①路係藉儒孝生貢王烈撰并書

平定古之榆關也至正壬午歲境內大旱自春徂秋罔有雨
澤赤地千里而纖卉莫生焉越明年癸未魃虐尤甚陽石熾
火渴井騰煙楚麥灰槁菽粟焦焚一郡之民流離逃散靡所
至止死亡餓殍罔有子遺農民感頽市戶嗷嗷夏四月本州
忠翊校尉達魯花赤阿兜思海蘭牙承務郎同知諱保保字
國卿口口而言曰我輩有此土之寄安忍坐視其旱耶年穀

不登上置國家賦入之儲下罹人民飢饉之苦可乎迺於是月丁巳齋沐以潔祭禮免冠跣足走廟炳香羅拜同意同心虔誠祈禱於

□□靈源公之祠象前祝曰札乾水溢境內山川之責任其責守土之臣亦不得迯其辜然而盍彰吾之咎納吾之誠洪敷甘澍而蘇吾民者耶何癘吾赤子之甚也明日雨大降一涪不縮越翼日方霽酥澤洽壤品類茁之槁者為之蘇禾未穫者為之播矣民之嗷嗷者為之謳歌是歲大稔室家相慶曰獲西成之望得保軀命者皆我達魯花赤同知二公德之所致也可得而忘也於是本里耆老孫聚張仁卿等求文來謁於余曰達魯花赤共同知秉丹衷而廻天意啓精誠而格幽冥苟非欽明德義至誠感神能若是乎雖有感應之速者

無以加諸請以爲記鑽之金石以傳不朽余聞而善之故人
之感於神者誠也非玉帛之謂也神之應於人者亦誠也非
杳冥之謂也雖然苟神之靈非誠之至不感也苟誠之至非
神之靈不應也神之靈矣誠之至矣斯可言感應也矣嗚呼
則我公之憂民也深故其應之也速其操心也精故其報之
也大賴公之德而生者萬世其無數矣

司吏王修己 張士能 武奉先 闕正 張郁 曹壁

吏目李仲美

前吏目孫齊

敦武校尉平定州判官抄兒赤

前承務郎同知平定州事保保

奉訓大夫平定州知州兼管本州諸軍奧魯勸農事李守

敬

忠翊校尉平定州達魯花赤兼管本州諸軍奧魯勸農事
拜不花

前忠翊校尉平定州達魯花赤兼管諸軍奧魯勸農事阿
兒思蘭海牙

大元至正四年歲次甲申中秋中旬吉日本里張德林
孫聚 王穩 郭彬 李寬 張仁卿 董仲溫立石
知廟張柏仁

石匠提領李顯

劉典甫刊

校碑題鄉貢進士王思善 冀甯路係籍儒學生員王烈
撰并書平定州志元舉人有王師善師古弟此碑作思善
或卽其人校碑言平定至正壬午歲境內大旱自春徂秋

越明年癸未魃虐尤甚一郡之民流離逃散靡所至止死亡餓殍罔有子遺壬午至正二年元史順帝紀至正二年三月辛巳冀甯路饑振糶米三萬石平定州隸冀甯此卽壬午歲旱之證碑又云四月達魯花赤阿兒思蘭海牙同知保保字國卿禱靈源公之祠明日雨降是歲大稔此平定是年饑而復稔之證碑末所題官有敦武校尉平定州判官抄兒赤前承務郎同知平定州事保保奉訓大夫平定州知州李守敬忠翊校尉平定州達魯花赤拜不花前忠翊校尉平定州達魯花赤阿兒思蘭海牙校保保李守敬拜不花阿兒思蘭海牙並見州志及至正二年五月揭傒斯崔府君廟碑拜不花又見孟縣志碑立至正四年八月

五龍神像記

碑高六尺二寸五分廣二尺四寸二十六
行行七十字正書今在潞文府長治縣

潞州知州張奉議新埭五龍神像記

徵事郎晉_寧路上黨縣尹兼管本縣諸軍奧魯勸農事李
可行題

從事郎前潞州上黨縣尹靳居仁書□□□

前河南行省鄉貢蒙古解元仝仝譔

五龍神廟在潞之東南三十里處太行之孤峰其來遠矣按
晉史所載自慕容時肇厥祥靈首建廟事故邦邑歲祀在河
北居多皇宋之熙_寧三年五月旱開國公劉渙刺潞州軍州
事禱雨于祠而靈雨飛傾酬神之賜始埭五方龍像於正殿
之后堂大觀戊子歲八月靈雨害稼河東轉運判官王恒祈

晴捷應迺以狀聞 勅賜曰會應王褒神之應也然五龍亦各錫以王號東方曰廣仁南方曰真澤西方曰義濟北方曰靈澤中方曰孚惠本其德而言也且神所居之山由是得名亦曰五龍焉茲山峙表封內為名鎮禮宜秩祭故潞之邦伯嚴祀之至正辛巳太原菊軒張侯瞻甫諱景巖名埜仙佈化剖明果毅奕宦

天朝蓋學而仕仕而學者也烏府薦能俾來尹是邦歲壬午會天亢陽雨不時若山待童而泉涸禾麥半槁地赭噓煙毫椎呻吟而跂踵望雲霓者萬萬實侯理政之明年也侯惻然諗諸僚佐曰士先天下之憂而憂後天下之樂而樂吾奉聖天子明訓承宣斯土職膺字牧而兩澤愆期闔境之民匪遑莫居○卻糴食不忍戕百穀以傷民雖旱乾之厄天灾示

譴民上之責果可追乎考之往昔則成湯有七年之旱且嬰
茅斷爪躬禱林藪所以重民食也我當齋沐致虔於龍山之
神懷求甘澍以慰民望可乎僉曰善遂竭誠滌慮嬰醑耐走
拜宇下民之觀仰者全集香酌未竟雨之作者霈然感神庥
而上下懽忭侯憫靈祠汨于草莽歲歷綿久繪彩剝蝕層楣
崩墮雖萬木能支也首新庇神前殿三楹并應門等梓匠
獻智民叶情者蟻附摧者扶之缺者補之凡基礎棖薨簷扉
瓦桷悉以絢昶四望環牆隅楞峻直未十旬美功克完豐祭
之狀倍蓰於昔叢給之需咸備於官而民弗擾也尚慮雨暘
祈請無水以供神釜於廟門東南二十余步相地作井神靈
暗符侯德未逾丈而飛泉上達既又肯亭其上覆翼斯井置
廚壁衛觀者之瀆又明年甲申秋侯說稼躬省神宇尤慮作

新之志靡周挽鄉邦耆老喻之曰殿後有五龍之故堂焉肇
造于古迄今千載瓦隊土浸木腐神檠板蕩凋落千百之存
奚翅一二况龍之為神鼓風霆駕煙霧出沒乎宇宙而變化
莫測雖神之形寓乎此而神之靈在天且敬神之念存於此
則神之靈也應乎彼廟貌不嚴何以稱極神之願哉我將新
其堂暨其像以塞靡周之念爾其輸力乎衆皆曰諾侯命上
黨縣主簿散只兀台董其役廼割俸金為木石之資趨役者
雲會經營謀畫如前殿之制落成之日顏其扁以壯輪奐之
光繼而命工塋五龍於堂內栳木為骨組繪為皮羽甲文彩
各以其宜取大易飛龍在天之象以中央之孚惠居正楹廣
仁真澤居東楹靈澤義濟居西楹而龍之黼黻色以異尚鬚
目鱗齒距形角毫末纖備道活奮迅而迴顧夜光之珠露

師鼓風霆于巽方電掣金蛇於坤位咸駕馭祥光為之前
驅煙雲布護晦霧一堂瞻者為之起敬創後於處暑之先訖
功於重陽之後有五龍鄉耆老郭才等請文於予用紀鼎新
之盛嘗惟天下之事創始非難而繼述為難且龍山在郡圻
堦中為名鎮而龍居之亘古而祀事弗泯故龍之靈有在而
陰祐一方曩者廟貌雖存委圯之勢日就崩毀始也禱雨勃
應報神賜大新前祠終又改壞五龍於後殿昔者作其形於
皇宋之熙寧今更新其像于大元之至正舉數百年之廢隊
為一朝之美觀侯敬神之志為何如將見風雨以時物不疵
癘歲獲有年之登神所以復侯功篤民祐也渥矣他日沃壤
之民歲時香火于祠下則酌龍淵而憶深澤捫穹碑而思至
德咸曰我侯往矣德澤斯存俾吾耕鑿以利而享含哺之樂

嗚呼仁哉又豈徒作峴山之悲而已故直書其槩備將來之
鑑云爾其文曰

太行之巔有峰蔚焉霧縈雲蒸高出乎天上有靈祠是曰五
龍昭成祀典源自慕容龍平允靈維民事之職司潤物歷年
久之壬午亢陽羣姓喧喧潞之有牧厥惟菊軒憂民之憂于
愛彌篤禾麥將枯我_亭不告奔走祠下齋沐亶誠酌以芬苾
天瓢奄傾荷神之祺靈宇皆新于經于營贊役子民龍之像
古葩彩凋落置彼穹堂於焉改作色準五方文呂金碧蜿蜒
其形昂峩孔碩雲行雨施渥我黍稷神貺昭答淵乎叵測伊
孰其功曰侯之力於萬斯春懋茲昌德

有元至正五年三月乙酉

監工助役保義校尉上黨縣主簿散只兀台

上黨縣典史靖仲郁

潞州吏目張貞

徵事郎上黨縣達魯花赤護都普化

州吏張思恭李世傑 縣吏常友直李思賢 貼書李遵

賢 耆老曹義 杜長郭才李仲實賈從善孟潤劉清晉

順宋庭玉郭子溫王海李元李德等立石

石匠王溫

司廟王子華

校碑題徵事郎晉甯路上黨縣尹李可行題從事郎前潞
州上黨縣尹靳居仁書前河南行省鄉貢蒙古解元全全
撰李可行見潞安府志至正五年尹上黨靳居仁亦見府
志並觀稼軒記是至正年尹上黨之證校諸碑均撰人列

前書丹並題額人在後而此則題額人首列書碑次之撰碑又次之是碑例之別見者碑言五龍廟在潞東南三十里晉史所載自慕容時首建廟事熙甯三年劉渙刺潞州禱雨有應堦五方龍像於正殿大觀戊子霖雨害稼河東轉運判官王恒祈晴有應狀聞勅賜爲會應王五龍亦錫王號東曰廣仁南曰真澤西曰義濟北曰靈澤中曰孚惠是宋時已崇祀如此校見文獻通考宋紹定元年重修五龍祠碑亦有慕容建廟事慕容校卽慕容永十六國春秋上黨五龍山慕容永時有五龍見於此山因置五龍祠是慕容首建廟事之證

又太平寰宇記云潞州上黨縣五龍山在縣東南二十里亦可以證碑

言河東轉運判官王恒見析城山祈雨碑題銜爲權發遣河東路轉運判官與此碑合大觀戊子實宋徽宗大觀二

年其時淫祀漸繁而此則猶爲當理其云鑿龍井之碑卽此碑所謂廟東南相地作井是辛巳至正元年壬午二年甲申四年鑿龍井以此年立碑年數相合末題有元至正五年三月乙酉監工助役保義校尉上黨縣主簿散只兀台上黨縣典史靖中郁徵事郎上黨縣達魯花赤護都普化核散只兀台上題監工助役與碑文董役事合靖中郁護都普化府志均有其名志稱護都普化至正二年任則厠立碑之年已四年矣